

晚

晴

移

詩

匯

晚晴簃詩匯卷七十三目錄

鮑皋 十三首

金農 十首

汪沆 十首

趙昱 八首

符曾 十首

丁敬 四首

陳撰 三首

翁照 七首

張庚 九首

勞孝輿 七首

王藻 四首

顧我錡 七首

薛雪 六首

任瑗 三首

許佩璜 一首

黃天策 一首

李灝 一首

沈冰壺 三首

汪祚 一首

楊煜曾 一首

戈溥 二首

童能靈 一首

晚晴彩霞匯卷七十三

徐世昌

鮑皋字步江號海門丹徒人乾隆丙辰舉博學鴻詞有

海門詩鈔

詩話海門稱詩江淮間時樊榭客揚州論詩用宋法而海門一以盛唐諸大家爲職志劉海峯歷朝詩約選持擇甚謹同時人惟取海門海門沒爲誌墓以爲天才鴻麗極馳騁之能不勞部伍而自中於法度近代罕有及之者里人學詩者陳深壑宗劉壘英蕙圖法重正西坪皆宗海門自成派別

見山樓卽席醉歌

空中綠雲忽破碎散作千山萬山翠君樓在市不在山卻共諸山翠相對東南山勢排長虹西山一片撐鴻濛北山突峙倚天塹石帆直指滄海東誰裁半幅吳江水更掛高碧窗裏樓上仙人終日閑坐攬江山列牀几有時放吟

還疾書山雨江濤奔腕底我來偶值天晦時槐風颯颯當
軒吹孤城煙井出隱隱平疇禾黍空離離須臾霧淨四山
出恍開青眼留詩客天外兩峯橫白波樹裏一江流落日
日暮倚樓歌醉歌主人再勸金巨羅海霞孤飛照衣紫雲
峯斗起爭嵯峨一峯蜿蜒黑蛟走一峯蜺局眠蒼狗一峯
未平一峯變此時山樓別有見大江之前無數山濃蛾失
影明鏡寒何人鐵笛喚山月一聲吹出蒼茫間我呼山靈
揖海若爾汝千年何寂寞何不飛來共我醉此樓樓上醉
眠夢涉滄洲凌五嶽五嶽渺難求滄洲復誰是但願樓居
不願仙君看山翠長如此

復之廣陵留別汪近晨

君從新安來我向廣陵去歸船及南風五月一相遇五月

南風揚子津茫茫復作渡江人與君笑語苦未了江干卻
立話情親江東諸謝才華盛阿大中郎共標映中間小謝
思更清十歲成詩康樂並弱冠好文復好游吳山越水遠
行舟盤渦七十二灘險富春山多逢處留錢江八月波濤
壯迴棹蜻蛉向湖上秋菊寒泉薦水仙棲鴉流水聞菱唱
南浮震澤下姑蘇行行卻抵丹陽湖潤州客居無可樂北
固山前閒釣魚舉手鱸魚四十九得意滿酤京口酒多景
樓高會眾賓晚召鄒生與枚叟座中末至余最羞江天斜
照賦登樓衡才直等金三品重義何論銀一流海門蒼蒼
隱煙樹石壁松寥讀書處我舊棲遲向此山聞君方欲將
舟去愛君五色絢爛驚世駭俗之文章秋鷹天馬無比方
山雞照影不敢顧人言此是雛鳳凰旦暮雲霄看搏擊下

帷更愛焦巖寂鐘鼓山堂鶴鶴驚海天風雨魚龍集見此
君文變益奇獨予行路心增悲故鄉山水反如客佳處不
得相追隨追隨不得傷懷抱橫大江兮揚桂櫂別後秋期
無幾時遇君當在金陵道

焦山精舍夜飲

我吟天風海濤曲焦巖颯颯振林木漢隱先生拍我肩邀
向巖間結茅屋茅屋直下臨奔湍陰林積雪森夏寒清飈
迴動白羽扇明月走送黃金盤黃金之盤白玉壺長江瀉
酒那用酤狂來手擊馮夷鼓興酣口吐驪龍珠山顛酒仙
吸江海酒仙仙去空亭在山頂吸江亭亭中一笑君應聞海上
三山好相待明月倒行雲卻飛山巔酒醒霜盈衣蒼藤古
木半江黑側足崩崖愁獨歸歸來已聽晨鐘發驚魚跳波

動棲鵲欲卧攬牀對海門夢騎長鯨汎溟渤

元鳥

仲春元鳥至翩翩升我堂堂中何所有黃金玳瑁梁冠帶
並陸離絲竹紛浩倡卷衣左右史設樂東西廂東廂吟龍
笛西廂吹鳳笙席前兩少女彈弦奏清商游塵倏飛灑輕
翰故迴翔心志俱騰悅下上相和鳴華屋雖云美四序變
溫涼吳宮旣已燼漢殿又已傾爰居辟鼓鐘高舉而遠行
栖栖何爲者憂患一朝忘白日不可留當歌及春陽五音
兮繁會百物以阜昌撫茲盛明運抱彼淪落傷衛賢慨秉
翟周士欣執簣欣慨豈殊途浮沈各異鄉丈人且安坐爲
君陳樂方

北固秋望

風高海遠雁唳聲天末樓臺上晚晴山合金焦三割據江
分吳楚兩縱橫孤城立馬寒雲闊絕浦收帆落日平欲作
江南秋望賦少年誰是庾蘭成

晨登采石

風咽深松響落潮翠螺峯上曉嵐消亂花成路客聞磬殘
月在林僧採樵

焦山謁漢處士祠

三峯盡與一江爭只此中流靜不驚天闢海門容大隱人
從石室得長生少微星傍吳分野太古山傳漢姓名尙有
魚龍妒高卧風濤日夜動秋聲

奉陪嵯使公汎舟海口

拊鼓鳴鉦萬艣齊小舟鳬雁大鯨鯢披襟潮逐雄風上捲

幔天臨少海，低全楚。魚鹽歸簿，領一編磊落，射珠犀仙舟。
吟醉邀同濟，直到龍門路不迷。

游焦山迴船抵甘露港江上口號

天上樓臺出潤州，連峯不斷女牆頭。渾忘家是城南杜，如
作江山萬里游。

涼秋過雪江丈齋，丈方獨坐擁褐讀離騷。相見命酒
共酌語入近狀，不無感慨作此用寬其意。

奇服先生老不衰，堂前弟子爲秋悲。人今不見如三月，天
昔平分此四時。海水何嘗知冷暝，風飈原自別雄雌。清時
會有高年問，慙與沈酣讀楚詞。

奉和李大夫入覲歸途登岱之作

跌蕩天門望倚松，逶迤柱下羨猶龍。河山勃碣趨都會，齊

魯陰陽畫岱宗祖道雨迴蒼水節仙壇晴敞白雲封遙知
嶽頂千峯夜側聽鯨鏗夢省鐘

康山

何人能活李空同此地名高康武功煙草萋迷三月暮琵琶
偃蹇大江東宦官禍實深傾國朋友交猶見古風樂府
歌鬢爭解唱鳴珂著屐等閒中

聞碓

時清休遠戍節暮復哀碓不斷千家響無端萬里心候蟲
聲共切山郭氣同陰天下有寒者那知關塞深

金農字壽門號冬心錢塘人乾隆丙辰舉博學鴻詞有

冬心先生集

王蘭泉曰冬心性情逋峭世多以迂怪目之然遇同
志者未嘗不熙怡自適嘗繪其四十七歲小像蒲州

劉仲益題云堯外臣漢逸民著簪韋帶不諱貧疎髯
高顙全天真其標格可想見中歲爲汗漫游徧走齊
魯燕趙秦晉楚粵卒無所遇而歸誓願年五十如玉
溪生打鐘掃地爲清涼山行者晚寓揚州賣書畫以
自給書出入楷隸本之國山及天發神識兩碑畫梅
尤工張蒲山曰壽門好古力學工詩文精鑒賞初
寫竹師石室老人號稽留山民繼畫梅師白玉蟾號
苦邪居士又畫馬自謂得曹韓法近寫佛像號心出
家庵粥飯僧其布置花木奇柯異葉設色尤異非復
塵世間所覩蓋皆以意爲之問之則曰貝多龍窠之
類也

詩話冬心畫書詩皆神妙固由人品絕俗尤得力於
澤古善於脫胎自序其詩謂所好在玉溪天隨之間
而不欲斤斤以爲規範題自錄詩卷云他年詩話添
公案不在張爲主客圖又云隻字也須辛苦得恆河
沙裏覓鉤金眞甘苦之言也論
冬心書畫者亦當作如是觀

宿焦山

縹緲松寥山積翠下無路風簾鐘微茫鶴跡雲散聚如聞
定中僧禪窟勸小住牽月濯巾餅江光漾高樹

形勝詩話卷十三
楊三十五過廣陵客舍

秋林正涼雨爲洗客衣塵而我彌衡病夫君原憲貧
歲看華鬢改話到故山眞今夜然鐙坐鄉愁添一人

閔華治酒送別

雷陂重相送餞席暫淹留人作浮雲笑酒生明日愁
西風孤燭夜涼笛五湖舟繚白縈青外家山話越州

吉祥寺泉上十韻

新霽來山中精舍騁游眎始入灌木陰稍深冷風善維南
豁平疇極西聳浮巘靜雲一族居幽澗眾流行汎出浸淺
莎濫時破重蘚潏潏靈液華涓涓連珠演手斟不亂滑口
飲有廉辨卽此澹交訂君子意非外惜哉無名緇綠塵闌
茶莽明朝續水緣石鼎攜松筩

憩王屋山後十方院

斗室虛無隘九州蕭條還作采真游
黃梅花坼融朝霰疑是銅仙鉛淚流

大椿靈餌話堯年鍊液升煙日馭前
玉女投壺天一笑人間何苦種桑田

初秋養疾樊上

巖居養疾遠郭壩蓐木多於粥飯
緣秋澗曲流喧枕上槐花一寸積門前
未忘舌本思今日尙損腰圍似去年
雲笈珠林從妙悟絕勝騶衍共談天

馬

日瑯日瑯

兄弟招同王

岐

余

元甲

汪

墳

厲

鸞

閔

華

汪

沈

陳

皋

集小玲瓏山館

少游兄弟性相仍石室宜招世外朋
萬翠竹深非俗籟一

圭山遠見孤棱酒闌遽作將歸雁月好爭如無盡鎗尙與
梅花有良約香黏瑤席嚼春冰

懷張先輩

幼持

林居

十年焚軌卧林枋深閉書堂少俗矜收得此心如鎮石常
時見面有寒冰空囊趙壹清無匹一揖奚康懶未能曾共
春風三度醉櫻桃花下曳青藤

瘦馬

古戰場邊數箭瘢西風老馬憶桑乾而今衰草斜陽裏只
作牛羊一例看

汪沆字師李一字西顥號槐堂錢塘人諸生乾隆丙辰
舉博學鴻詞有槐堂詩藁

詩話西顥師厲樊榭爲詩與王茨檐杭堇甫符聖幾
張南漪號松里五子分修浙江通志及西湖志舉詞

科報罷客天津查氏水西莊久之史文靖將以經學
薦以母老辭歸待戚屬有恩紀年逾八十於五子中
最爲老壽

書曝書亭集後

老去無心典石渠扁舟歸釣小長蘆排籤目笑搬薑鼠釋
褐人憐上竹魚曠世才華追屈宋百年蹤跡半江湖如何
史筆高三館空負蘭臺七上書

飲繡谷亭題一百八件酒資錄後同樊榭先生龍泓
趙勿藥作

玉蘭花下同呼酒愛此名資小戶加飲到清明剛百六雙
卮留伴殿春花

七烈行

宛平太學生查國英國才兄弟同居京師崇禎甲申三月十七日聞賊李自成犯闕城將陷國英妻周氏時已寡二子允哲允著先往榆堡

留國才偵賊信出入倉皇氏號於堂曰查氏爲京師

望族不死將爲賊辱未亡人有一死以謝地下耳
若等盡早圖之眾皆諾曰惟夫人命於是國才妻
張氏妾廉氏廉氏之母某氏女二姑國才女三姑四
姑環拜氏前從容而縊黃母者國英妹也亦以寡
附查氏以居是日與其女三姑隨氏同縊時殉者
九人絕而復甦者國才妾廉氏及其女四姑廉氏
後度爲尼四姑壽踰八十終國英
孫推述先烈乞言表彰爲賦此詩

平則門開逆闖入朝士紛紛爭拜賊查家烈婦周夫人慷
慨堂前大義申昔聞樂羊妻盜劫不從甘作戮又聞高愍
女寇求爲婢誓勿許彼非鬚眉盡如此我曹今當共一死
娣婦聞姁言請從地下長周旋小姑聞嫂言含笑不辭赴
九泉諸女聞母言齊聲抗志金石堅就中有妾長跪請莫
因封非輕棄屏有母雖辱同畢命周夫人查烈婦聞眾言
笑拍手各各入帷房密密縫衣裳光明一匹帛齊挂文杏
梁朝來蛾子排闥過烈氣如生不敢剗貞魂如伴魏娥游

勁節還同費氏播七人絕二人蘇跡雖異心不殊嗚呼七烈之墓草已宿七烈之名光岳瀆

題曹六圃選宋百家詩存後

我披天水史開寶逮德祐文章流別殊各自闕藩囿西崑沿五季遺俗尙怙狃誰復正始音魯公冠厥首能事王黃州訓詞亦深厚繼之梅歐陽燦燿光列宿髯蘇一代豪落筆鉅鯨扣門下四君子笙簧迭賡奏同時濂洛賢風雅振先後雖非春葩榮至味在醇酎紛紛遞述作南渡格變又渭南富天才崇臺九成構楊監與蕭尤下視匹蓬雷石湖頗排異簡齋劇孤秀終遜子朱子芳潤六藝漱沚社多瓊詞噍殺出泉竇獨愛晞髮人九歌可馳驟其餘盛藻翰僕指牛毛富惜哉五百年散佚隨飄颻遂令汲古者荒荒墮

煙冪曹君擅石倉積書屋連袤文鑑補呂氏詩鈔廣吳叟
憶昨上元日晴雪滴殘溜肩輿過草堂叢編出懷袖羣言
匯百家目眇浩難究如入萬花谷遙天列錦繡又如對古
尊雲雷錯雜雖賤子嗜好殊讀罷一言祝變體雙井翁造
語獨矯揉江西詩派圖幾輩尙墨守九僧格律麤四靈篇
幅瘦江湖諸小集穀核分飢餒豈無絕塵句駑駿不同廐
兼收與竝登要使無雜糅十手急傳鈔百卷付刻鏤鑒別
君自精狂言當我宥

讀書示查生善長

屠龍技非不稀時無所用讓履狶作俑子人共嗤時有所
用貴跼輪人生擇術何用巧一藝成名眾亦寶

青青江上楓鬱鬱嶺上桐三年成拱把枝葉何龍蔥昂霄

聳壑詎不速質脆皮柔易傾軋何似園中樹白檀堅韌卻
中車心軸

朝銚冒暮鐫脾人各有分苦不知慙鳬企鶴徒爾爲君不
見鷹日擊無全翻牛日犁無全蹶

忠天廟畫壁歌陸筱飲孝廉索題

我生未謁忠天廟陸子示我畫壁詩畫筆崢嶸出乃祖清
芬述德播誦之前有作歌鈍丁老和者長篇墨瀋隨窮形
極態恣刻畫讀詩如見畫壁奇中祀社神越公像廟創何
代傳異詞溯昔阿廢大業末羣雄擾攘干戈馳我祖一劍
起黟縣六州保障無瘡痍竇融抒忠洵不忝錢俶效順嫌
猶遲日月出矣爝火熄功在社稷銘鼎彝能捍大災與大
患祭法協禮僉曰宜急當買權北郭去顛蔡采藻陳清醕

惟聞榜額半漫漶陳丹暗粉壁亦欹畫壁有孫善表禰廟
貌如故疇匡持揭虔妥靈後嗣責卷還詩卷歌忸怩

蓮坡以文彭摹印一方見贈作歌謝之

致身自笑無文章纍纍之印輪提將執筆又未答戎羌何
能斗大腰懸黃誦周說孔稱陶唐字學聊爾窮偏傍蝌斗
篆籀墮渺茫摹印獨存漆室光神奇工巧誰擅場陽冰倡
論語實臧姜夔吾衍互頡頏有明製作蝨綴裳停雲館主
師子王南都掌教聲價翔諸生講究大雅堂餘事獨愛翻
三倉下筆切玉如截肪何主臣外盡斂銚歷年至今三百
強片石不啻千明璫故人持贈出縹囊瘦蛟蟠屈紛低昂
陋彼劍拔同弩張佩刀只合歸王祥奇石應付米老藏我
手十指直且僵眯書憎畫慚面牆投閒置散爲石傷欲留

不可意徬徨半生。瓠落鬚眉蒼。詩書滋味久益長。感君勗我意。獨良石交之誼。何時忘。嗚呼石交之誼。何時忘。

過王學顏新居登七層樓

別君三載音塵斷。每到思君愁。滯汧買船閩海一歸來。花事闌珊春過半。征衫脫卻訪君家。聞道移家大井畔。巷交闌闌沸蜩蟬。更憎街泥沒兩軒。詎知有道居自殊。纔得入門喧寂判。因山爲屋結構牢。高者跨巖低傍厂。開軒排闥引我梯。每上一層眼界換。鼓勇直躋七層顛。儼似浮屠卓雲漢。元龍百尺空自豪。宏景三層何足算。江形左抱湖右環。鳥下風帆鳬雁亂。遙山重疊不知名。一一送青來几案。城中有此奇絕境。使我煩紆一朝泮。乾魚脫粟且午餐。愛君真率從君膳。家釀如泉續續添。蟬聯貪話忘哺肝。半酣

凡非彙言卷之二
俯瞰十萬家喜屢豐年無絕爨飄飄我欲御風行咫尺蓬萊到隔岸

趙昱原名殿昂字功千號谷林仁和人貢生乾隆丙辰

舉博學鴻詞有愛日堂吟藁

全謝山曰其氣穆然以情其神油然而瑩其取材浩
乎莫窮其別裁蓋非一師一家之可名也又曰谷
林太孺人朱氏襲敏尚書曾孫而祁氏孫也嘗讀
生堂書舉梅里書藉之盛以勛其子故谷林兄弟藏
書確有淵源符南樵曰谷林徵君與張東亭厲樊
榭沈樂城陳蔚九符幼魯施靜巖張繼青唱和有
山堂唱酬葉家有藏書數萬卷與揚州馬秋玉相埒
其好客亦如之嘗見其題畫詩云風吹釣絲斜風定
釣絲直溪上不逢人秋煙
生暝色絕似中唐人所作
詩話乾隆初武林壇坫最盛枕厲爲之領袖谷林昆
季風雅好事小山堂藏書之富輝映林泉一時文人
騷客倚爲東道主所作竝博雅爲宗成
爲風氣雖堂宇未闋要皆沈淨屠沽也
和樊榭雨中移居之作

城陰連舍背蔬畦蕭散如君復可棲
注史名亭供歲月卜鄰依水擇東西
牀牀避漏明燈在葉葉披風瘦竹低
小市橋聲門巷轉涼秋徑訪客同攜

九日過白雲山房有感

風流耆舊遠盡日掩秋堂野水落寒石
亂山低夕陽白雲從過眼黃菊又初霜
空有琴書在塵封已半牀

明鄭貴妃金書觀音普門品經

壞色鸞紋幾劫塵當年宮事謾題論
承恩特請飢民繪天子呼來善女人

番經廠裏見蓮臺綠刺觀音鬘絡開
跳步也隨弓樣窄中秋來舞萬年杯

黃屋何來鄭主乘松風狂客捏名稱
知他佛力生因想絕

倒烏臺睡語憑

彌戾消除一卷攜名香三沐寫恩私
隄清謹堂恭進呵手絲綾裹筆時

半月泉

明月隔幽巖落水似弦上更盤經好事
劈規作新樣蝦蟇恒見食兔魄未全望
俛囑潭影虧檐雲空蔽障判劃古焚花
偃形類交韞得閒經竹院小憩獲微尙
討舊遡曩昔靈號咸和初名蹟甯寡和
寺壁記慈相

答謝山京師寄柬并及穆堂先生李公
惓惓于予之意速余北行謝未能也

寒卧虛楞霜日移憐渠穴紙凍蠅癡疎
燕華髮存公道悠邈良朋辱遠辭獻玉
輒傷和氏足生金難鑿賈逵碑一從

塵事輕拋得好踐梅花雪後期

符曾字幼魯號荊林錢塘人監生乾隆丙辰舉博學鴻
詞歷官戶部郎中有于役河干集

詩話荊林詩長於五律諸體亦妙造自然陸德燾稱其詩脫筆寫來意味澹遠自成神品陳楞山謂如春在花如意在琴足狀其詩境

高郵湖

練影湖光千頃寬蟹村魚舍滿蘆灘煙波渺渺天無際雪
色桃花水上看

次真州未及訪玉几徵君恨然有作

白沙江上駐弭棹漫夷猶木葉有寒色煙波無盡流故人
非遠道秋水結離憂乘興空勞過眞成訪戴游

游雨花臺

雲公說法處斜日指前朝臺冷花猶落禪空雨尙飄劫灰
龍子護山鬼文蘿招不省蕭梁事銷沈付暮潮

青溪

青溪三面曲曲盡清流送我向何處言尋杜若洲采蘭
空已老解佩倩誰修一寫箜篌怨雲中江樹秋

江口蚤行

江月墮船尾江風引客還一聲雲外雁無數煙中山大好
吟情遂兼之意思閒此行如此返眞足醉心顏

玉几招同蒿洲小飲琴香初地

小飲便成醉人生握手難莫言世路窄但計酒腸寬各已
顏蒼老時方晚薄寒數枝籬菊在相慰復相看

綠楊湖有感

極浦揚舲煙水深客懷渺渺倦登臨祇餘芳草傷春目無
復幽蘭寄遠心梅子欲黃朝苦雨柳花吹白晝多陰風前
短髮蕭疎甚聊託微波寫楚吟

贈李慶生

十年坐客寒無氈朝朝抱犢山中眠屠沽有酒君何有忍
飢誦經徒可憐紫髯太宰今大賢賞君才思如奔泉薦章
不敢隱髦俊下士名達天子前天子爲君能割鮮握算下
試東海邊果然煮海增竈煙七萬量取元霜煎古人才大
虛中偏巨壑要受千回漩今看斥鹵成膏田歲收胡止禾
三千又况造土工丹鉛文翁化蜀差比肩旣養而教理則
全俾宰大邑吾信焉君不見范公昔起慶歷年范公之隄
古今傳范公亦爲西溪監後來繼者君勉旃

秋籬集字

籬下西風殘照天一聲新雁落雲邊霜枝露葉爲誰澹秋色晚香殊自憐瘦蜨相邀人對酒遠山微見翠生煙不知名處君須記坐憶春叢又隔年

江上曉行

天風吹寒秋雨多長江浩浩無停波揚颿曉發誇疾走千里一擲如投梭青山灰堆沒兩岸但見老樹留霜柯一聲兩聲雁拍水三點五點鴉翻窠江邊處處溼煙起散作白霧綿兜羅殘蘆蕭瑟送遠響壞塔不動高嵯峨時有漁舟墮一葉風中搖漾飄煙蓑此時睡起何所羨卻羨山僧眠磻阿

丁敬字敬身錢塘人乾隆丙辰舉博學鴻詞有硯林詩

集

詩話敬身少未讀書及冠酷好金石文字等於性命
著武林金石錄書工大小篆筆如屈鐵精刻印章然
非其人不能得一字
刻苦爲詩語能通峭

題沈石田冷泉亭圖次石田自題韻

清詩直比謝元暉寫向丹青自入微林影了如依石瘦泉
光渾欲抱亭飛山中故事今誰續畫裏高流得見稀片紙
眞堪抵瓊玖幾經遼鶴憶人歸

同厲樊榭杭堇浦王茨檐汪西顥符南竹游城東報
國院池上分韻得門字僧靜山妙於茗事頻供不
倦

清池臨淨域一徑隱城根魚意不嫌客鳥言如在村趣增
茶串妙靜覺石闌溫與共論詩久誰參不二門

小雪初晴樊榭見訪同游梵天講寺

朝來幽事動良友過我早清游敦宿昔一雪晴正好邇迤
城之南幾度略約小踴凍乾蘚坡徙倚疏林杪磻風劃松
雪殘玉落翠纛錢王此締構突兀雙塔表劫火雖皴皵句
勒猶天矯金容歸浩空追蠡翳勿考依稀景泰字剔辨勞
指爪靈鰻應就蟄寒螿懾深窅裴回日停午古意益緜眇
高僧句通禪心折玉局老月履疑往來煙鐘寂昏曉久立
肌骨森煩慮脫如掃江光瑩不遙極目點雲鳥

重題山舫用山字

昔同諸吟侶分得阿字爲讓山社友題山舫會錄之哀然成冊矣近

予因病鮮出每思一蹕其境而倦未能也乃用山字重題之輒便寫寄俾懸舫中知山舫之有重題自予始勝筇高屐經此倘辱和焉當爲山中故事

道人水觀元非實岳屋如舟夜不關安穩甯勞木杯渡嵌

空險笑石船山新松影壁圖成易候雁橫空字豈艱頗米
曾誇虹貫月何如此舫占孱顏

陳撰字楞山號玉几鄞縣人乾隆丙辰舉博學鴻詞有
陳玉几詩集

詩話楞山家錢塘游江淮間早年所作詩號繡鉢集
晚別爲玉几山房吟卷又有擬古詩皆蕭澹高超
夏獨造舉大科辭不赴自爲謝啟
甚工尤善畫高簡似雲林道人

古蕩歸途

日暮東風急歸途雨正繁泥深黏屐重雲溼帶林昏野水
喧魚艇人家掩竹門遙憐折梅處回首更西村

春盡

爲貧常作客春盡未還家故國重回首江城正落花屯雲
依樹斷深柳趁風斜寂寞年時意勞勞空歲華

寒食前五日蓉槎招同諸子泛舟紅橋

按歌畫板檀雙拍賣酒青旗竹半叉放艇石橋南畔去傍
籬吹盡野梅花

翁照初名玉行字朗夫號霽堂江陰人乾隆丙辰舉博
學鴻詞辛未薦經學有賜書堂集

沈歸愚曰則夫少年專工佳句後漸臻老境識力俱
高有虞伯生老吏斷獄之目袁子才曰則夫館稿
相國家相公非朗夫唱和不吟詩人呼爲詩媒以鴻
博薦朗夫謝詩云千里囚依惟夜月一生消受是東風
生有春柳詩云千里囚依惟夜月一生消受是東風
迎來桃葉如相識猜得楊枝是小名皆佳句也平生
有謙癖余題其三十里山草堂圖云四海才名六十
春青鞋布襪輒紅塵平生事謙神甚只有青山不
讓人試罷形庭戶不問談經重薦伏生
才一時猿鶴驚相顧花下蒲輪今又來
詩話朗夫老於幕府嵇高兩相國先後以鴻博經學
薦皆不遇廣交游享大年羣以老宿傳佳句甚夥如
閨而裁量精密多親切有味之語流傳佳句甚夥如
與友人尋山云友如作畫須求澹山似論文不喜平

贈沈叔園侍御云午夜疏燈焚諫草
春風小驛見常花風味不減放翁

詠史

文成五利封尙主亦不惜謂世無神仙佞喬在咫尺文成
五利誅駢首如羊豕謂世有神仙所言皆妄耳金銀宮闕
間可望不可到清心守環中無爲領眾妙而況至人徒修
短非可校不朽超形骸千秋光遠耀

孔光譖王嘉浸潤致之死馬融排喬固承順權臣指兩人
擅聲華素推經術士忽焉好惡乖交口肆詆毀失己違本
心媚人求貴仕平生讀何書適佐貪且鄙一念入歧邪百
世人不齒願爾願修名甚勿污青史

梅花塢坐月

靜坐月明中孤吟破清冷隔溪老鶴來踏碎梅花影

涵秋亭小憩懷師十五南塘

疏林過微雨返照明殘滴獨立野亭中蕭然起寒色澄湖
落雁斜古渡嘯鴉寂不見遠歸人楚天淡秋碧

迎笑亭寫望

滿亭飛翠撲輕裾大好風光畫不如數摺晚山迷橘樹一
竿秋水鱸魚室藏烏喙人何在舟載蛾眉事恐虛轉眼
霸圖銷歇盡而今贏得話樵漁

雨後君山野步

一縷初暉潑眼明獨行江路喜新晴水當臘去青浮岸山
到春來綠進城楚相祠空汀草合吳孃船過浪花平故鄉
風景殊佳絕底事終年愛遠征

將之北河留別

織就文禽作對飛一篝鐙火久相依耦耕當日言猶在佐
讀終年計轉非但使我能拋犢鼻肯教君更泣牛衣料應
不學蘇家婦金盡歸來也下機

張庚原名燾字浦山秀水人乾隆丙辰舉博學鴻詞有

強恕齋詩鈔

詩話浙西張氏多以詩名世浦山以布衣遨遊天下
足跡幾徧平生善書喜爲詩而畫尤氣韻秀逸頗近
宋元時賢稱爲三絕嘗自謂詩與畫相表裏書爲畫
之原故三者兼之安州陳密山錢塘杭堇浦桑弼甫
皆稱其詩之工詩多古體五言專學選體然不免斧
鑿之痕七言則天骨開張有落紙雲煙之槩七律清
氣往來天才流亮五
律亦不失唐人格調

張夏山行

心目昨澄霽望嶽甯陽道穠翠排空傾萬象成卻掃纏綿
夜夢深閃倏山窗曉趣裝入其麓揚策渡叢蔦日高放雲

羣峯爭奇巧嵐氣濛空濛秋光遞清杳疏立巖松直亂
拂渚蒲繞茅屋不成村林壑自多窈沙澗旣屢揭磽岡亦
重造迴旋盡日看餘暉澹尤好風動響飛簾霞散送歸鳥
未曾凌絕頂吾懷良已浩

李方伯藏倪雲林溪山無盡圖

清閼高人骨格奇意趣豈復同凡兒偶爾適興寫山水冷
致冽欲凌人肌想是霞餐卻火食不然那得清如斯此卷
高尺長減仞幽溪重複山逶迤枯林一簇山之麓林下深
深置兩屋蓋茅零落牆欲頽屋後蕭疎映叢竹柴門不閉
闌無人煙波迤漾平侵門旁通略約亦將斷舟楫沈齧洲
沙痕崇峯側嶺絕蹊吟荒寒似寫亂後村要是生當至元
末亂亡在在驚心魂目有所傷手自應豈惟迂癖成性存

此卷筆法尤可喜細觀不與常作似山石居然王右丞樹木全逼營邱李枯淡雖云是本色神味須知備眾美世人但擬解索皴誰向先生問具體李君珍惜同隋珠自云得之酒家胡出坎藉茅非偶爾定是迂翁神與俱

北邙山歌

北邙山頭森宿莽北邙山下堆叢土渭水東流無盡時邙山北峙常如古前栽松柏摧爲薪後栽又復根輪囷松柏不知前與後後人何用泣前人

丙寅人日巴江舟中

人日巴西客悽悽江上心亂山圍楚望孤艇入春陰生計老彌拙幽懷空自深去年鄉有信枌櫚已成林

自信陽厯羅山孝感山行

丁丁樵斧隔溪響淅淅山雲出谷寒野屋傍崖隨意構小
橋橫版趁蹊安爲貪好句低頭覓失卻奇峯到眼看穿過
松林下坡去人家一簇稻田寬

丙辰冬十月歸途次濟甯

孟冬寒氣肅郊原日色荒荒望欲昏半幅酒旗溪口店數
聲牧笛棗林村天涯游子心誰識魯國儒生道自尊稅駕
任城尋古蹟長衢一片市塵喧

采桑詞

采采復采采柔條與老枝渾忘纖手破只是怕蠶飢
不惜辛勤餉終朝更達晨他時成錦繡知上阿誰身

漫成

袁家山頭晴靄暎大佛寺前春流淙青蒲出水僅三寸白

鳥過溪時一雙

勞孝輿字孝于號阮齋南海人貢生乾隆丙辰舉博學

鴻詞官貴州鎮遠知縣有阮齋詩鈔

詩話孝于擅詞賦爲惠半農所識拔與修廣東通志試鴻博未遇作令黔中鬱鬱以終其詩才鋒朗映歌行勝於近體

祠竈篇

朔風捲爆何喧闐夜聞甲馬空中駢廚中灰飛如糝錦竈底鎧光生紅蓮靈旗獵獵朱衣妍家家明燭向竈懸傳聞東廚司命君常於小除之夜能升天我聞天有九覆轉周入埏東西南北互萬里其高直踞三十三層巔君從何來今何往其間道里歲月得無多遷延又聞帝闈九重位高拱北極深邃眾星聯守關虎豹立猙獠蛟螭繞殿紛蜿蜒

少搜其怒不可測君乃何事一過而問焉我茲惻然念久
與君周旋無食餼君爨苦寒依君眠念當遠決別何可使
君出門無酒腰無纏園中有燕樹有橘呼兒斫取羅竈墻
清齋小供可以飽殷勤再拜斟寒泉歲寒天步良艱難苟
可以止君無還維君莞爾笑此子何愚頑予明語子細聽
旃寒暑有代謝陰陽時變遷功成者身退造物乃循環維
皇憫茲下土濁使我監觀於塵寰善惡恆以錙銖計禍福
不爽毫釐間歲終報績無少假威福惟我司命權汝不見
秦皇東海求神仙終朝拳跪曲突前又不見子方剖羊享
祀虔立致黃白家萬千我聞斯語喜踟躕如渴得漿口垂
涎酒更酌香重煎盤添美饌紙增錢長跪致詞未敢言祝
君默喻首我肯詎乃色然怒曰咄爾措大何敢然自吾居

而所羈旅將一年朝不遑夕謀饕餮東家焚蠟精沃釜而
女採薪無力不自全西舍庖鱉鯉作膾而女操刀欲割無
小鮮他人有熱可以炙而爾之灰且死何時然有時金石
之聲聒我耳不知空廚之下久已無炊煙女頭無媚骨而
躬非脅肩只論尋尺直與枉何知鑿枘方可員徒然持此
殘杯與冷炙胡乃斷斷向我搖尾而乞憐言訖掉頭不復
顧翩然歸天朝上尊天高茫茫不可問竟夕使我頻搔短
髮臨鐙前

與裘購書歌呈吳樂園使君

富不羨惠文翠羽值萬千貧不願齊嬰狐裘三十年但願
囊中有錢樽有酒鵲鵲典去事則傳國子先生乃不爾生
平嗜好唯書耳觀樂能知四國風碎琴直向五都市五都

市上車輪飈瑰奇貨貝雜瓊瑤緩轡客過垂紫綬揮鞭人
至黃金貂金貂紫綬紛相妒先生掉頭不肯顧惟餘南面
書百城獨向北堂鈔四庫朝來蕭寺訪遺編牙籤玉軸多
佳鐫中有四朝大手筆欲購自顧腰無纏慨然解裘典以
易如寒得衣復何惜署以郇公五色雲襲之和氏連城璧
連城璧重千黃金黃鐘大呂發高吟四代詩人不可作先
生振響還相尋夜寒酒盡鐙搖影不知廣文官自冷都講
三鱸從此升使君五車南來騁前年竹馬迎羅浮使君直
踞四百三十二峯之上頭手攜金宋元明驚人句上寄大
小二石之高樓樓高巍巍矗青天金書玉簡明霞箋使君
不忍自怡悅爰出長什播之萬家春管絃管絃到處多風
雅遂使三城謳五袴不知使君久耐寒乃能衣被及天下

我欲適子館還余授子餐緇衣之好能改造輕裘既典何時還何時還誰改造鮫綃百幅爲君報使君聳肩只苦吟緇袍不恥從吾好君不見卽今聖人深垂裳新裁雅頌頒太常使君慎勿名山藏願上山龍補袞章

崧臺送孫榘峯之珠江并勸其歸龍眠

紅雨滿江蟬咽樹牂江東下無停處我來端溪幾何時我今未歸君何去屈指纔計一月耳邂逅便訂千秋心酸言字字貫金石高文言言振瑯琳王孫老矣不免餓茫茫四海誰知音探囊豈有纏腰貫倒篋只存擲地金金聲擲地無人識明月夜光應自惜君今去我更何言惟有把君詩過日只今諸侯多好賢往往誇客羅鯖筵請君掉頭更勿顧家山歸去看龍眠桃花泝畔垂雲麓下視餘子徒碌碌

他日尋君路不迷但指嘯聲出林木

銅仁江行

巒山矗嵯峨涓滴瀉林翳曾無濫觴源一行自委麗飛瀑
散四山奔蛇不可制漸落沮洳鄉遂成膏飫地嗟哉蚩蚩
氓日與水爭利高者刷山椒其下迫堰砌數世長子孫恣
耕且無稅自詡桃花源曾不識漢魏誰知秋潦驕竟挾拔
山勢我田穀已黃一夕肆吞噬老穉號山林魚龍負鼉鳳
雖幸有子遺八口將焉濟空山厥正肥努力搜根蒂

題華首寺

花宮門戶闢朱明四百芙蓉一掌擎彼岸從來皆佛度高
山奚必以仙名雲垂絕壑漫漫下春轉芳塘盎盎生心迹
不知何處住頻從支遁訂新盟

登高歸途訪名園遺址

越臺秋老霸圖湮
訪舊無端感慨新
射圃廢來官馬瘦
名園荒後主僧貧
曾無綠野留歌扇
只合青山與酒人
吾輩風流今在耳
浩歌還訪晉遺民

寄當路

掃迹風塵厭曳裾
嵇康新廣絕交書
白頭久笑河東豕
燒尾終慚瀚海魚
臘雪多情同冷淡
春風何意更吹噓
年來袖刺毛生字
終戀南山一敝廬

王藻字載揚號梅泝吳江人
乾隆丙辰舉博學鴻詞有
鶯脰湖莊集

由碧巖泛舟至黃龍洞

登山興固佳
看山致亦好
舟中望青弁
四面雲林繞
連峯

若點黛慙慙媚春曉著屐重探幽一步一回眺湖田翠欲
流白波際天表想見底定初茲山亦浮島載造龍洞前端
倪不可道石樓聳亭亭中空類房窰下有無底谷直落萬
丈杳當年龍欲飛裂山試鱗爪巨石遭掀騰磊然自相黝
至今猶拄撐屹岬若將掉向非龍所爲人力詎施巧我欲
窺其淵股栗神魂悄側聞歲暎時甘澍每協禱多恐幽深
中仍護領下寶安得鞭起之爲余種瑤草

送友人還廣州

九月值搖落送君南粵遙寒砧催木葉輕楫理江舠衣上
桄榔雨吟邊瑋瑋潮越王臺上望煙月靄迢迢

聞道天南路山川秀且清花田劉鋹墓珠海趙佗城漢月
蟾蜍滿秦橋蟬煉橫無由能縮地天末遠含情

登縹緲峯歌

我愛具區水浩渺涵秋空三萬六千頃頃頃磨青銅復愛
洞庭山峯嶺摩蒼穹七十有二峯峯峯削芙蓉就中縹緲
最雄長如師有帥階有崇謁來予到絕頂湖天空闊開
雙瞳羣山千百帖水面飛青舞碧爭朝宗銅官離墨遠鉤
帶五州七邑羅心胸天風蓬蓬雲腳亂赤日西走江湖東
湖光日色兩滉漾水晶火齊交冲灑平生奇觀有如此坐
覺五嶽生胸中吁嗟人生百年本電速學仙何必非英雄
會當來此巢雲松口吸沆瀣揮煙虹夢入鱗堂見龍女金
支翠羽光熊熊江妃獻琛魚媵舞龍頭瀉酒珊瑚鍾更登
天壇掃落葉燒丹夜燭層霄紅丹成骨髓化青綠謁帝竟
入金華宮身騎飛龍弄白日俯視下界如螻蟻乾坤八表

恣遊戲歷千萬世無終窮君不見唐張碩漢毛公其壽將與茲山同

顧我錡字湘南號帆川吳江人諸生乾隆丙辰舉博學鴻詞有浣松軒詩集

詩話帆川潛居篤學名噪一翼鄂文端開藩吳中設春風亭課士取五十三人以帆川爲首選旣薦應制科檄至而帆川已歿詩中江南弄吳趨行皆春風亭課作文端謂江南采風得此二篇摹寫已盡後篇寫浮濯本末悲涼淒婉勝讀秦荒書幾尺

九日登縹緲峯

太湖湖水平如油南臨吳興北常州雲濤傾洞千萬頃天遺峭石支中流奇峰羅列七十二意象崱嶸窮雕鏤青螺綿延勢不斷支聯脈綴相沈浮就中一峯起天半孤撐磔卓無朋仇有如端拱坐清殿奔走萬國朝羣侯置身峯巔

斷塵土縹緲雲煙島孤柱微波一曲辨荆溪頑石數拳窺
顧渚未知大地竟安窮但覺長空浩無主孤舟遠泛若停
橈斷雁低飛如鍛羽是時秋空方次寥丹楓黃葉山之椒
彭澤把盞正采菊中山搖筆還題僦我貧無物作重九憑
仗兩腳升青霄指揮雲物作几案呼叱嶸嶸同兒曹吳山
簫鼓眞一笑若向平地誇登高

江南弄

東吳頭西楚尾江南遙遙數千里就中姑蘇與廣陵舟車
輻輳如流萍紛華滿眼徧城郭大家小戶樂復樂紅樓大
道珠翠繁畫檻中流簫鼓作酒酣肉飽不知倦佳冶盈盈
滿芳甸稗販猶裁白紵衣閭媼亦著黃金釧回頭卻顧四
壁空小兒索飯嗁門東未知衣食竟誰是且復強舉稱豪

雄鳴呼江南之貧貧若洗朝歌夜舞徒爲爾

吳趨行

四座且勿喧聽我歌吳趨吳趨當年稱樂土輕徭薄賦無
逋租自從浙東錢武肅竊據東南纔一幅政繁國小經費
多十有四州仍未足翻然更作科民計一畝平收數畝稅
當時三老背生蛆辛苦農夫力疲弊況值前明定鼎初淮
張赫赫虎負嵎防風後至罪有在田夫野老眞何辜誰言
新國遭輕典倍徙輸將那容免卽今故國久滄桑戶曹猶
自憑方版我歌吳趨歌正長早禾粒粒輸神倉但得官清
無雜耗驅牛力向田間道

獨坐言懷

商飈襲華鐙志士生感傷迴首平生懷氣結不能揚粵余

昔髫髻逸翮凌雲翔志曠違俗賞才潛離世芳委懷屬書
劍矢念結虞唐感歎馳慕思白日流西光徘徊伏隴畝坐
卧空井鄉清風響叢薄明月映修廊幽居豈不美撫已悲
未央岐山有靈鳥其名曰鳳凰梧桐以爲棲竹實以爲糧
五采蔚相宣異質挺文章翺游徧九垓棄置忽若忘棄置
何足歎鳳鳥非可常

清涼臺

朝游石城山日暮不肯迴連峯西北傾迤邐蒼屏開捫崖
厯壑千萬轉絕頂更上清涼臺清涼臺高不知數千里山
川莽回互岷江東去走滔滔微茫似可投鞭渡涼颺玉露
暑不侵南唐遺構山之陰卽今頽垣古礎竟安在但見野
花纖草厯亂愁人心君不見澄心堂淨居室冬無淒風夏

無日一朝白甲摧如山降王只辦隨身膝此地亭臺何壯哉鉤欄屈戌俱蒿萊不須苦作雍門思且盡一杯歸去來

登雞鳴山後閣

面水憑城小閣開縈紆磴道已千回人耕廢隴酬勲廟馬嘶荒榛測景臺照郭寒流明似鏡隔江遠岫翠成堆南朝射雉停輦處敗葉鳴蟬極可哀

靈佑觀

琳館珠庭次第開夕陽微照鬱孤臺道人鋤藥不知倦一鶴聲松際回

薛雪字生白號一瓢吳縣人諸生乾隆丙辰舉博學鴻

詞有一瓢齋詩存

沈歸愚曰生白游橫山葉先生之門自少已工於詩既長託於醫得食以養其二人其詩綺麗者本飛卿

鐫鑿荒幻者本昌谷平易者本樂天東坡而最上者則又闕入盛唐壹異是生白之生平難以一端概者生白之詩亦難以一體盡之詩話生白以醫名同時葉天士醫名最著生白頗與立異同故署所居曰掃葉莊受詩法於葉橫山淵源甚正而詩名爲醫所掩如山果落荒徑水禽鳴遠村遙知依返照獨立望歸船真樸有味皆不作唐以後語

遊乳泉洞入石雲復登蓮華巖至白雲洞

渴掬乳泉飲坐聽山禽弄再憩復再登漸失同游眾風來老樹香雲起危巒動攀緣絕入境回頭謝塵夢仙人不可卽玄鶴何年控落日淡寒煙茫茫堪一慟攝衣下層岡白雲封古洞

東山逢徐靈胎

相值東峯下相看鬢欲霜年華共流轉意氣獨飛揚四座

驚瞻顧連城且蘊藏如余空說劍無路掃欃槍

過先師分湖故宅又至橫山別墅

一曰孤懷兩世情橫山分水各心驚文章先後仍聲價涕
淚滄江竟死生巷冷何人還駐馬柳荒無主斷鳴鶯居人
指點岡頭地午夢春深草色平

寒食日

春風吹我秣陵城江柳江花照眼明人共家山千里月夢
回孤館一聲鶯黏天好事迷芳草盡日微吟數落英去住
兩端判不得又逢寒食倍關情

寄杜太史雲川

美人芳草思飄然分水新城兩謫仙今日風騷誰繼絕江
南猶有杜雲川

拋殘別淚陽關曲酸盡閒心子夜歌莫向烏絲闌上寫隔江煙火斷腸多

任環字東礪江南山陽人乾隆丙辰舉博學鴻詞有六有軒集

金山

江流忽辟易天際裊煙鬟樵路鐘聲外僧帆樹色間月明龍入鉢潮落鵲歸山何日辭妻子丹砂駐暮顏

游棲霞偕若衡兄作

好窮奇絕境特地上峯巔瀑響三秋雨松含六代煙山多皆拱寺江遠欲浮天愁絕區中事相留可判年

田家

柳陰荷鋤歸豆莢未出土呼兒夜飯牛昨宵有微雨

許佩璜字渭符號雙渠江都人乾隆丙辰舉博學鴻詞
官衛輝同知有抱山吟

硯北

構軒依硯北小隱擬牆東香瀉紅蘭露涼生翠樾風游心
歛竹素息影翳蒿蓬吾道惟夷曠靈臺若太空

黃天策字一峯信豐人諸生乾隆丙辰舉博學鴻詞官
教諭

弔呂汲公墓

山鬼然疑路險難當年懷古淚闌珊故封蟻鼠神悽慘遺
匣蛟龍事渺漫宰樹雲沈荒堞暗豐碑雨鎖墓門寒江天
野寺蕭蕭晚懷古蒼茫倚碧巒

李灝字柱文南豐人貢生乾隆丙辰舉博學鴻詞有間

莒堂集

入華子岡

崇岡逼天闕，迤邐入寒山。涼飈四面來，飄薄噴紅泉。吾行
仗輕策，裹糧擬昔賢。伐木追險道，聳身陟高阡。幽人何時
來，彷彿生紫煙。側聞華子期，長嘯驚飛仙。玉棺琢千載，金
籙太上傳。遠眺天柱峯，孤光隱目前。麻源望三谷，清冷何
潺湲。響折謝公屐，高下聲楚然。

沈冰壺字清玉號梅史浙江山陰人貢生乾隆丙辰舉

博學鴻詞有古調自彈集

詩話梅史沈融羣籍家貧無書恆借書縱覽窮
經攷史尤熟於明季遺聞詩善議論不工近體

夜郎歎

唐家支庶領大藩，祿山聞之爲膽寒。賀蘭一言傾房公骨

肉猜嫌填心胸永王謀反出附會王不能明白何怪可憐
天上謫仙海上釣鼈客長流夜郎號黨逆同爲上皇臣同
輔上皇子鄴侯爲名佐太白坎壈死所遭幸不幸二李天
淵懸若此噫吁嚱王不反有公道白從王非草草或言出
脅致回護未深考紛紛譏議盡可掃

崖州行

贊皇之勳配裴度度薦宰相才此言殊不誤牛李之怨亦
由度黑白昭然本易悟珏耶嗣復耶贊皇實救之絢耶敏
中耶贊皇實引之此皆牛李黨誰言贊皇胸中城府多徇
私太原上黨次第克造滕密謀皆其力武宣二宗本水火
太叔得立太尉禍崖州之變意中事何必夢中乞哀我

鑿舟歎

湯湯瓜埠水林兒鑿舟死真人已立金陵城向日君臣虛
稱耳吁嗟乎項王冤負不義名漢高發喪非至誠宋主韓
州封明祖爲吳國公明祖旣定天下遣廖永忠逼林兒都
遷都舟至瓜埠永忠鑿舟家屬溺死與項王江中之弑無
異

汪祚字惇士號菊田江都人副貢乾隆丙辰舉博學鴻
詞有鶴田集

雁來紅

雁影空階八月天一枝紅紫賽春前朱顏老去猶如此慘
綠當時是少年

楊煜曾字吾三武進人乾隆丙辰舉博學鴻詞

和新城尙書鳳翔府韻

渭水無情日夜流南山拱處古皇州野人塢下風依舊鳳

女臺前露未秋斜谷戍關空設險陳倉賣酒且澆愁亂鴉
殘日頻搔首新月窺人吐半鉤

戈溥字博山號焚魚子南昌人諸生乾隆丙辰舉博學
鴻詞有焚魚詩鈔

答饒海亭寄懷原韻

一曲聽泉百慮清只求琴意不求聲三更露墮哀猿嘯萬
壑風傳老鶴鳴乍解徵商心已靜了然夢幻體都輕知君
仍向東湖水目數流光縷縷情

冬日

短簷喧凍雀暝日映窗虛白髮羞新鏡青山憶舊書風高
寒雁急地遠故人疎歲歲梅花發何時適我初

童能靈字龍傳號寒泉連城人貢生乾隆丙辰舉博學

鴻詞有冠豸山堂詩集

詩話康熙己未大科諸徵士被薦卽詣闕下待試乾隆丙辰諸行省所薦士先由督撫學政會考士有未應行省徵者亦有應徵而行省試罷者故每有當時已被徵書而全李兩錄皆從蓋闕寒泉亦其一也寒泉結廬冠豸山閉戶讀書窮學性理考索陽爲學次第並及洪範太極圖書樂律著作等身

春日東郊卽事

春鳥向鄰樹流聲入我詩有情還各得無意亦相吹一枕
睡初破滿庭芳正披忘言曾未得慚愧對花枝

晚晴移詩匯卷七十三終